

# მწყემსი



მე ვარ მწყემსი ვეილი: მწყემსმან კვილიან სული თვისი დაჰსდვის ცხოვართვის. (იოან. 10—11).

ვპოვე ცხოვარი ჩემი წარწყმედული. ესრეთ იყოს სინარული ცათა შინა, ერთისათვის ცოდვილისა. (ლუკ. 15—4).

მოველით ჩემდა ყოველნი მასურალნი და ჴვირთ-მამიენი და მე განგისვენო თქვენ. (მათ. 11—28).

№ 9

1883—1894

15 მაისს.

სამწყემსარო უძიკავი სამათვალოს სასულიერო მართვალობის ერთი განაკარგულავისა ვამო.

ამ დღეებში ქართლ-კახეთის და იმერეთის სინოდის კანტორამ ერთი საუურბდებო განკარგულება მოახდინა. აი საქმე რაში მდგომარეობს: 1885 წელში მაშინდელი საქართველოს ექსარხოსის, მთავარ-ეპისკოპოსის ჰაუელეს განკარგულებით დაიბეჭდა ორი ათასზე მეტი ცალი ქართული დაბადება ეკკლესიებისა და კერძო ჰირთათვის. ეკკლესიებს უკვე დაურიგეს თითო ცალი ექვს-ექვს მანეთად. ამ სახით ათას ორასი ცალი, თითქმის, გასაღდა,

მაგრამ დანარჩენი წიგნები კი დღესაც საწუობში სძევს და მათ კაცი არ უიღულობს. დღეს სინოდალნი კანტორა სთხოვს იმერეთის და გურია-სამეგრელოს მღვდელ-მთავრებს, რომ მათ მოაწოდებინონ დაბადება სამღვდულოებას და იმ ეკკლესიებს, სადაც საჭირო არის. დაბადება ქართულ ენაზე არის დაბეჭდილი და ქართველები კი როგორც მღვდლები ისე საერო წოდების ჰირნი არ უიღულობენ ამ წიგნს!.. როდესაც სინოდალნი კანტორამ დააბეჭდინა მხედრული ასოებით დაბადება, რასაკვირველია, სასჯემი ის ჰქონდა, რომ საერო წოდებაშიაც აღმოჩნდებოდნენ მსურველნი ამ

წიგნის მოპოებისა. მაგრამ, სამწუხაროდ, არა თუ საერო წოდებამ, არამედ სასულიერო წოდებამაც—ჩვენმა მოძმეებმა ისეთი გულგრილობა გამოიჩინეს ამ წიგნის მოპოების შესახებ, რომ დღემდის ესეთი გულგრილობა განაკვირველი და აუხსნელი რჩება ჩვენთვის... 1885 წელს აქეთ აგერ ცხრა წელიწადი ვადის, ცხრა წლის განმავლობაში ექვსი ათასი მანეთი უსარგებლოთ სძევს. სინოდალნი კანტორას რომ დაბადების დანარჩენი ცაღებიც გაეყიდა, მაშინ ექვსი ათასი მანეთი იქნებოდა აღებული. ექვსი ათასი მანეთი ცხრა წლის განმავლობაში თუ ხუთს არა ოთხს სარგებელს მაინც შემოიტანდა და 6000 მანეთი ცხრა წელში მოგვეცემა სარგებლობას 2000 მანეთზედ მეტს. როგორც სჩანს ამ ანგარიშიდან, სინოდალნი კანტორას კარგად უხარაღნია ნივთიერად და სამღვდლოებასაც არა ვითარი სარგებლობა არ მიუღია გონებითად დაბადების დანატამბვით. უველა მღვდელს ბეკელესიებს რომ მოეპოებია დაბადება, მაშინ არა თუ ორი ათასი ცალი, არამედ სამი ათასიც არ იკმარებდა. მაგრამ ჩვენ დაბეჯითებით ვიცით, რომ 1885 წელს აქეთ რაც ზოგიერთი ეკკლესიები განმტატეს, მათგან არც მეოცედს აქვს მოპოებული ეს უსაჭიროესი წიგნი. რაიცა შეესება სამღვდლოებას, უნდა ვთქვათ გამოტენილად, რომ ასში იქნება ოთხს-ხუთს ექნეს მოპოებული დაბადება თავისი სახლის დასამშვენებლად, დანარჩენი სამღვდლოება რას შვრება? მოხუცებულნი ამბობენ: „რომ ვიუიღოთ, რა სარგებლობას მოგვიტანს, ბევრი ვერც კი წაიკითხავს რიგინად და წაკითხულს ვერ განმარტავს. ვისაც ოთხი კლასი გაუთა-

ვებია, ანუ სემინარიაში ეოფილა, მაგრამ სწავლა არ დაუსრულებია, ისინიც ამბობენ: რა საჭიროა ფულის დახარჯვა დაბადების სასუიღლად, როდესაც უიმისოდაც მთელი დაბადება კარგად გვაქვს გავლილი სწავლის დროსო!.. წარმოიდგინეთ, რომ იმისთანა სემინარიელი მღვდლების ოჯახშიაც ვერ ნახავთ დაბადებას, რომელნიც ნიადაგ იმაზედ დრტვინავდენ, რომ ქართული წიგნების კითხვას გვიმლიდნო და ნიადაგ ქართული ენის შევიწროების შესახებ საუბრობდენ!.. ზოგიერთ ამისთანა მღვდლების ოჯახებში სშირად შესვდებით ჟურნალებს და გასეთებს, მაგალითებრ: «Нива»,-ს «Живописное искусство»-ს და სხვათა, მაგრამ დაბადებას ვერ ნახავთ!.. რამდენ სამწუხარო და სავალალო ფიქრებს ჰბადავს ეს საუურადღებო გარემოება იმ კაცის გულში, რომელიც მცირეთ მაინც თვალს აღევნებს ჩვენს დამბუნებას, ჩვენს გულგრილობას და ჩვენს გადაგვარებას... უნებლიეთ თავში გებადება კაცს შემდეგი კითხვები: რა აცხოველებდა ჩვენს გულს იმ დროს, როდესაც საბეჭდავების უმექონლობისა გამო უმეკლებელ გულვანებს და დაბადებას სელით სწერდენ, საქებად და სადიდებლად მიანხნდათ ჩვენებს თითო ამისთანა წიგნის ქონება ოჯახში და ეკკლესიაში? რა აცხოველებდა იმ მკველ დროში ჩვენს სურვილს, რომ ასე ბეჯითობით კითხულობდენ დაბადებას ოჯახებში და განსაკუთრებით სამღვდლოებაში? რამ დაჩლუნგა ჩვენში ჩვენი წინაპრების სალისი დაბადების კითხვისა? აი კითხვები, რომელსაც ჰირდაჰირი ჰასუხნი უნდა მისცეს ეოველმა ქართველმა. ჩვენ დარ-

წმუნებული ვართ, რომ ბევრი ანც კი და-  
ფიქრდებიან ამ კითხვებზე და სწრაფად მოკი-  
გებენ: მეტი საქმე არა ჰქონდათ ჩვენ წინაშართ  
და დიდ რამედ მიაჩნდათ ხელნაწერი გულვანები  
და დაბადებანი და ამისათვის სწერდენ, და  
საქებრად მიაჩნდათ განათლებას მოკლებულ  
პირთ თავისი წიგნთ-საცავი დაბადებით შეემ-  
კათ; ძველ დროში დაბადებას კითხულობ-  
დენ, რადგან სხვა საკითხავი წიგნები არ იყო  
და დღეს დაბადებით ვერ დაკმაყოფილდება  
ხალხი; განათლებამ, სიბნელიდამ სინათ-  
ლეში გამოსვლამ, ბევრს აუხილა თვალი და  
შეუცვალა გრძნობა და შესედულება და იმისი  
ბრალა, რომ განათლებული ხალხი საერო  
წიგნებს უფრო კითხულობს, ვიდრე დაბადებას..

ჩვენ დარწმუნებული ვართ, რომ ამ მიგუ-  
ბით უმეტესობა დაკმაყოფილდება და ზოგნი  
უარესსაც იტყვიან...

ესლანდელი დროის განათლებული კაცის  
შესედულება საღმრთო წერილის კითხვის შე-  
სახებ, რასაკვირველია, სულ სხვა არის და  
ძველის სულ სხვა იყო. ძველი კაცი, ჭეშმა-  
რიტი სარწმუნოებით გამსჭვალული, დაბა-  
დების კითხვით ნეტარებდა და ემაყოფილდე-  
ბოდა, დღეს სულ სხვა საკითხავებია. „განათ-  
ლება შემოვიდაო, იტყვიან სოლმე, კაცობ-  
რიობა წინ მიდის პროგრესიულად და ძველმა  
ახალს უნდა დაუთმოს ადგილიო“. მამ ამ ბა-  
ტონების სიტყვით ჩვენ ძლიერ წინ წავსულ-  
ვართ განათლებით? მეტათ შენი მტერი არ  
წავიდა წინ, რაც ჩვენ წინ არ მივდიოდეთ!..

ავიღოთ ევლასზე უფრო განათლე-  
ბული, უფრო დაწინაურებული და ხელოვნე-  
ბით განთქმულნი სახელმწიფონი. ამისთანა

სახელმწიფოებში, ვგონებ, პირველი ადგილი  
უჭერია მთელ დედა-მიწასე ინგლისს. აბა  
შედით იქ რომელიმე ოჯახში და აათვალიერ-  
ჩათვალიერეთ კარგად ევლას ოჯახები უდი-  
დებულების კაცის ოჯახიდან დაწვებული  
უკანასკნელი ღარიბ ოჯახამდე.

რას ნახავთ თქვენ ინგლისელის ოჯახში?  
ყოველს ოჯახში უთუოდ ნახავთ დაბადებას.  
მაგრამ ეს საღმრთო წიგნი მარტო სტოლის  
და შკაფის დასამშვენებლად კი არა სდევს, იქ იგი  
ნიადგ ხმარებაშია. ინგლისში ყოველი კაცი  
დიდებულიდამ დაწვებული უკანასკნელ კაცამდე  
ექვსი დღის განმავლობაში ერთგულად მუშაობს,  
მეშვიდე დღეს, კვირას, ის ანც ერთ საქმეს  
არ ჰკიდებს ხელს და ანც სხვა და სხვა ადგი-  
ლებში დაიარება დროს გასატარებლად, არა-  
მედ მთელი დღე ზის თავის ოჯახში და კით-  
ხულობს დაბადებას. ამ წიგნის კითხვას ყოველი  
ოჯახის უფროსი ისეა მიჩვეული, რომ როგორც  
წირვა-ლოცვის მოსმენას ვერ მოიკლებენ  
კვირა დღეს, ისე ამ წიგნის კითხვას. მართ-  
ლაც დაბადებაზე რა უფრო სასარგებლო უნდა  
წაიკითხოს კაცმა, რომ იგი ქრისტეს საწ-  
წმუნოებაზე და ზნეობაზე დამტკიცდეს? ეს  
კარგად ესმისთ განათლებულ ინგლისელებს  
და ამიტომაც ასე იქცევიან.

თუ კი ეს განათლებული და ყოველის  
ძნით დაწინაურებული ვრი ასე მიჩვეულია  
დაბადების კითხვას, ჩვენ რაღა გვიძლის ხელს,  
რომ ამ შვენიერ მაგალითს მივბამოთ? ჩვენ  
ამ შემთხვევაში წინ გვედობება უმეტრება და  
უკუნურება...

იქნება ვინმემ თქვას, რომ ევლას ოჯახს  
არ შეუძლია ამ წიგნის მოწოდება მისი სიძვი-

რისა გამო? ეს მართალი არ არის. ჩვენში არიან ისეთი ჰირნი, რომელნიც ექვს მანეთზე უფრო ბევრს სარჯავენ წიგნების სასყიდლად, მაგრამ „დაბადებისათვის“ კი ექვს მანეთს ვერ იმეტებენ. ბევრი ისეთი ოჯახი გვინახავს, სადაც თუთხმეტ მანეთიანი ვუფხის-ტუაოსანი სდევს სტოლზე, მაგრამ ექვს მანეთიან დაბადებას კი მათ ოჯახში ვერ ხახავთ. საერო ჰირთ ამ შემთხვევაში ბევრს ვერაფერ უსაყვადურებთ, მაგრამ რა უნდა ვთქვათ მღვდელზე, სადა სის სულიერ მოძღვარზე, რომელიც ამ წიგნის შესახებ ისეთივე გულგრილობას იჩენს, როგორც საერო ჰირი? რით შეუძლია თავი გაიმართლოს მოძღვარმა, რომ მას დაბადება არა აქვს ოჯახში? ვითომ მას ფული არ ემოყვება ამ წიგნის მოსახლეობლად? ან შეიძლება დრო არა აქვს ამ წიგნის საკითხავად? არა. ან იქნება საჭირო არ იყოს იძისთვის ამ წიგნის კითხვა? არა, მისთვის მიუცილებლად საჭიროა ამ წიგნის სშირად კითხვა. ჩვენ რაღაცა მაჟიყვიეთ ნიდაც ჩივილს ჩვენი ხალხის სარწმუნოებრივ გულგრილობის შესახებ, მაგრამ გვაუწივდება კი, რომ თუ მართალი არ მართლობს, რითი დამართლებს... ნუ თუ საჭირო უნდა იყოს ჩვენთვის რაიმე განკარგულება და მიწერილობანი, რომ მღვდლებმა და ადებს მოიპოვონ!.. ამხე მეტს სამწესარო მოვლენას ვერ შევხდებით დღეს ჩვენს ცხოვრებაში. ყოველივე ჩვენი მოძიე გულდასმით უნდა ჩაუკვირდეს ამ მოვლენას და გაჭვრიტოს, თუ რა შედეგი მოჰყვება ამ ჩვენ გულგრილობას ამ ქვეყანაზე და ან იმ სოფელში რით გაიმართლებენ თავს მსაჯულის წინაშე, რომელსაც უნდა რქვან: „აჰა მე და სამწესარნი ჩემნი, რომელნიც მოძიე მე დასამწესველად!..“

გვ. დ. ლა—ჟე.

მ წ ა რ ე ფ ი ქ რ ე ბ ი

ჩვენ ვიცნობდით სამხედრო წოდების ერთ მოსამსახურე პირს. ეს კაცი საკვირველი ხასიათისა იყო. იგი არც ერთს ჟურნალ-გაზეთს არ იკლებდა, ყველას იწერდა და გონებითაც ძლიერ განვითარებული იყო. ყველანი მის გონებით განვითარებას აწერდენ სხე:—და სხვა ჟურნალ-გაზეთების კითხვას. გარდაიცვალა ეს კაცი. მისი სიკვდილის შემდეგ ერთი დიდი შკაუი გატენილი ნახეს ყველა იმ ჟურნალ-გაზეთებით, რომელთაც იგი ასე ერთგულად იწერდა ხოლმე ყოველ წლობით. მაგრამ ყველას გასაოცრად არც ერთი ჟურნალ გაზეთი არ იყო გახსნილი და წაკითხული!.. აი კიდევ ერთი უკეთესი მაგალითი. ქუთაისში სცხოვრობს ერთი კაცი, რომელსაც ღვინო და სხვა რაიმე მაგარი სასმელი არასოდეს არ დაუღვია, იგისასმულად მარტო წაინდა წყალს ხმარობს. ვახშამზე და სადილზე, როდესაც ღვინის და სხვა და სხვა მაგარი სასმელების მირთმევის შემდეგ საზოგადოება ვახლისდება და იწყებს თამაშობას, სიმღერას და შექცევას, ეს კაციც ხალისდება და აღტაცებაში მოდის. ყველას უკვირს ამ კაცის საქციელი და კითხულობენ: ნუ თუ წყალიც იან მოკმედებს ამ კაცზე, როგორც ღვინო?

ზოგიერთი დღევანდელი ჟურნალ-გაზეთების კითხვა სწორეთ იმ კაცს განატრებს, რომელიც ყველა ჟურნალ-გაზეთებს იწერდა, მაგრამ კითხვით კი არც ერთს მათგანს არ კითხულობდა. მართლაც გასაოცარი დრო დადგა ბეჭდითი სიტყვისა. გუშინდელი კაცის მკვლელი და სახელგანთქმული ყაჩაღი დღეს ზნეობის მქადაგებელია და ჩინებული ლიტერატორი. გუშინდელი მამულის მოლაღატე დღეს პატრიოტობას უქადაგებს ხალხს. ზნე დაცემული, სულმდაბალი, ორპირი და პატიოსნების ერთ გროშათ გამყიდველი დღეს ლიტერატორობას ჩემობს... დღეს მეკენჭეთა ბატონების სახლებში გამძღარნი ხვალ ბუყსა და ნალარას სკემენ, აქებენ

და აღიდებენ თავიანთ ბატონებს და ქვეყანას უმტკიცებენ, რომ თუ მათგან მაწონებული ბატონები არ იქნენ აღრჩეულნი, ქვეყანა დაღუპებაო და სხვა და სხვა. ერთობის და ძაობის მქადაგებელნი საქმით ყველას მტრობენ და არავის არ ინდობენ. ერთი სიტყვით დადგა დრო სიტყვიერად ერთის თქმისა, საქმით სულ სხვა მოქმედებისა.

საზოგადოებამაც ყური შეაჩვია ამდენ ოცობო-დიურ წერას, ამდენს ზოგიერთ პირთა უადგილო ქება-აღიდას და მეორეთა ლანძღვა-გინებას... გაზეთები ერთს დალაღებენ და საზოგადოება კი სულ სხენაირად იქცევა. თითქმის სრულგზობით დაჰყარა ბეჭედილი სიტყვამ გავლენა საზოგადოებაზე.

ვისი ბრალია ეს სამწუხარო მოვლენა? ჩვენნი ზოგიერთი მწერლებისა, რომელნიც თავიანთ პატრონების თვალში დიერეს ვერ ამჩნევენ და მათ მოწინააღმდეგე პირთა თვალში წვილს ეძებენ. შურს და მტრობას სთესვენ ძმათა შორის და საუკუნოდ ამტკრებენ ერთმანეთს. ერთს უწოდებენ «ინტელიგენტსა და მეორეს უბრალო გაუნათლებელ კაცს, თუშკაც, ღმერთ წინაშე, მართალი რომ სთქვას კაცმა, იგინი არაფრით არ გაიჩხევიან ერთმანეთისაგან. გაიჩხევიან მხოლოდ მით, რომ ერთი ბევრს სჯამს, რადგან დიდ ჯამაგირს იღებს და მეორე ცოტას. ერთი მარხვამაც ხორცს მიირთმევს და მეორე კი ხსნილშიაც ლობიოს გიანღება. მამულისათვის კი არც ერთს დიდი არა გაუტკეთებიათ რა და არც დასამადლი არავისზედ არაფერი აქვსთ...

\* \*

ამ ზემოდ აღნიშნულ სამწუხარო მოვლენას გარდა ეხლანდელი დროის ზოგიერთ ჟურნალ-გაზეთების მკითხველი აშკარად შეამჩნევს მეორე სამწუხარო მოვლენასაც, რომელსაც წინეთ ვერ შეამჩნევდით. მიდგომითი მსჯელობა, ბრუნდი აზრები, რასაკვირველია, წინათაც იყო, მაგრამ ისე აშკარად ვერ შეამჩნევდით ამაებს, როგორც დღეს. დღეს აშკარად დაგიმტკიცებენ, რომ ესა და ეს ბატონი

ანგლოზია და უანგარო სული. რომ მას თავის სიცოცხლეში თავის თავი არ გახსენებია, სულ საზოგადოების სარგებლობაზე ცდილობდაო. გუნებაში ამბობ: ნეტავი ჩვენ! ჩვენც გვეოლია კაცები, რომელნიც თავის თავზე კი არა საზოგადოების სარგებლობაზე ზრუნავენ თურმე დღე და ღამე!... მაღლობა ღმერთს! გინდა შეიტყუო და ერთი მაინც შეხედო შენი თვალით ამ თავგანწირულს და საზოგადოებისათვის თავდადებულ კაცებს... რას ხედავ! ეს საზოგადოებისათვის ტანჯული კაცები ჯამაგირს იღებენ თურმე 4—ნ ათას მანეთამდე წელიწადში, ადგილ მამული აქვსთ. დილის თერთმეტი საათიდან ნაშუადღევს სამ საათამდის მუშაობენ ნელნელა ე. ი. 24 საათში სამ საათს. ღამეს თუ ათევენ, მარტო ბანკის თამაშობაში და თეატრში დროს გახატარებლად, თორემ! ჰამენ და ძინაესთ. დიად, სწორეთ თავის თავი სულ დავიწყებით ამ კაცებს და მარტო საზოგადოებაზე ზრუნავენ თურმე!.. ნეტავი იმ საზოგადოებას, რომელსაც ამისთანა თავდადებული მამულის შეიღები ეყოლება!...

ძლიერ სამწუხარო ამბავი შეგვატყობინა «ივერია»-მ. ბ. ა. ჭიჭინაძეს თავი დაუწებებია თბილისის სააზნაურო სკოლის გამგეობისათვის და თერგის სამფლობელოში სახალხო სკოლის ინსპექტორობა უთხოვია. ამას წინად „Новое время“-ს ერთი კორრესპონდენტი ურჩევდა მმართველობას, რომ ქართველები ცივ ადგილებში უნდა დაინიშნონ თანამდებობაზე და ჩვენები მათ თბილ ადგილებშიო. ნუ თუ ბ. ალექსი ჭიჭინაძედგან დაიწყეს ამ მოსაზრების ასრულება? ყველა ასე იფიქრებს, როდესაც ამ სამწუხარო ამბავს შეიტყობს. მაგრამ საქმე სულ სხვა ნაირად გახლავსთ. ბატონ ჭიჭინაძეს ძალას კი ვერაინ დაატანდა თავის თანამდებობა დაეტოვებია. ეს მხოლოდ მისი სურვილი იქნებოდა. მოვიყვანთ რამდენიმე სიტყვას, რომელიც უძღვნა «ივერია» ამ პატივცემულ მოღვაწეს:

«ვისაც ცოტათი მაინც უღვენებია თვალ-ყური ჩვენის სათავად-აზნაურო სკოლებისათვის, იმან იცის,

თუ როგორის ერთგულებით და გაგებულად ემსახურებოდა ბატონი ჭიჭინაძე ჩაბარებულს მისდამო საქმეს. ვიტყვით მეტს: ეს ნორჩი დაწესებულებანი, რომლის გამგებლად დანიშნული იყო ბატონი ჭიჭინაძე, ჯერ ქუთაისს და მერმე ტფილისს, შეიქნა მისთვის ნამდვილ არსებით საგნად. ამ სკოლებს მოანდომა ჩვენმა პატივცემულმა მოღვაწემ თავისი ენერგია, სწავლა, შრომა, და ისეთი გეარის ერთგულება, რომელიც ავიწყებინებს ადამიანს საკუთარს ინტერესებს, და ღმერთად უსახავს მხოლოდ იმ საქმეს, რომლისთვისაც დაუღვია თავისი სული და გული».

სწორეთ სამწუხაროა ეს ამბავი ყველასათვის, ვისაც კი თავად-აზნაურობის სკოლებზე გული შესტკივა... დღემდის ვერ აგვისნნია, თუ რათ მიანება თავი ბ. ა. ჭიჭინაძემ ქუთაისის სააზნაურო სკოლას და რად ვადვიდა თბილისში? ეს კიდევ არაფერი, მაგრამ ეხლა სრულებით ვეღარ ვაგვიგია რა, თუ რათ დანება თავი ჩვენში, ჩვენ მოძმეთათვის შრომას და მოღვაწეობას და რამ მიიზიდა იგი თერგის სამფლობელოში უფრო მცირე ჯამაგირზე?...

\* \* \*

ღმერთო, რამდენი თოფი ისროლება ზეცი-საკენ, აერში მტრის წინააღმდეგ! ღმერთო ჩემო, რა უსარგებლო ომი და ბრძოლაა ქარი წისკვილებთან! აღარ ეზოგებათ არც დრო, არც ჟამი, არც მლანი, არც ქაღალდი, არც ხელის მომწერლების ფულები, არც თვითონ ხელის მომწერლები! ნუ თუ დრო არის ეხლა ჩვენში ჩხირკედლობისა? დაუკვირდი შენს ნათქვამა და თუ სათქმელისა და დასაწერისაგან ენების მეტი სარგებლობა არა გამოვიდოდეს რა, ნურას იტყვი! სხვაზე სთქვი რამე, რომ იოტისოდენა სარგებლობა მაინც მოიტანოს. ეს მწარე ფიქრები დაბადა ჩვენში კივილიდან გამოგზავნილმა წერალმა, რომელიც დაბეჭდილი იყო «ივერიის» მე-91 №-ში. ავტორი ამ წერილისა აცნობებს საქართველოს, რომ იერუსალიმის მონასტრები, ათონის ივერიის მონას-

ტერი დასინას მთის სულ ქართველების ყოფილა და რატომ თავს არ შეიღებენ ქართველები, არ ამოიგებენ და არ ჩაიბარებენო... მოვიყვანოთ ამ შეწინიერი საბუთიანი წერილიდამ რამოდენიმე სიტყვა:

დღეს ის დრო დადგა, რომ დაუდევრობა და-ღუბება; ეს დრო გვეუბნება: მაქსტინაში წინად ქართველებს შიშველი ადგილი სჭკრაით, დღეს-კი ქართველების აგლა-დიდებას ბერძნები დაჯბატონებ-ბან სრულად უმართლად და უსაბუთოდ, ქარ-თველების სისუსტისა და დაუდევრობის გამგეო. მაშასადამე თუ ქართველები არ დაეკებენ თავიანთ საქმეს, სხვას ამწერალბენ თავიანთ ქვირფასს საკუთრებას, რამეჯსად თითქმის მაღიანი შემო-საკალი აქვს, ბოლოს ბუზღუნსა და წუწუნს ნუ-ღარ დაიწყებენ, ნუღარაგვის დაეჭდურებას, რომ აუარებელი სიმდიდრე ხელიდამ გვეცლებაო.

მართლა, რა კარგი იქნებოდა ეხლა ჩვენთვის ერთი მილიონი შემოსავალი! რას არ ვააკეთებდა კაცი! ჰმ, ვაგვეთდებოდით, მაგრამ სულ ჩვენი დაუდევრობის ბრალია, სულ ჩვენი სამღვდლოების გულვრილობის ბრალია!.. წარმოიდგინეთ წერილის ავტორის ვაკვირება, სხვანი გვექმამაგებიან და ჩვენ ყურსაც არ ვიბერტყავთ. დილა, გვექმამაგებიან!..

ამ განზრახვით ხან ვინ გვეჩინებდა და ხან ვინ, (რამდენად ბულწრფელად კი სხვა საქმა), რომ სმა ამოვიდოთ და ჩვენს კუთვნილებას მი-გებატონოთ. მაგრამ ჩვენ მაინც უფრებს არ ვა-ბერტყავთ. იუკადიულის საბუთით ხომ არავისათ-ვის მიგვიყიდაა რამ, რომ პატრონობის ნება აღარ გვქონდეს და რიყეზე დაკრჩეთ გაჩაყული? თუ ძალაზეა საქმე, ჩვენ ვიღამ წავგაჩთვა ძალა...

ნეტავ შენ ყმაწვილობიან! ყველაფერი გაქვს და არასოდეს არა მოგაკლდება რა. ვადაჯექი შენ შენს ლურჯა ჯოხს და მთელი ქვეყანა შემოიარე. შენი ცხენისათვის არც სასმელი და არც საკმელი ხომ არ დაგჭირდება!..

ცოდავ არ არის განა, სირცხვილი და სიკვდილი არ არის, რომ ხელიდამ ვაუშვას პატრონმა ის

დიდებული ნაშთი მამა-პაპათა მოღვაწეობისა, ის დიდი სიმდიდრე მათის ღვთის მოსახუბისა და აღზნებულის ღვთის სიყვარულისა, რომელიც სრულად და სავსებით აჩის აღწერილი პრეფერენსიის ა. ს. ტაგარის თხზულებაში: Памятники грузинской старины на Синаѣ и въ палестинѣ.

ღელა, ღელა, ღელა! რა უბედურობაა, მართლა, ჩვენს თავზე, ლამის აგერ დავკარგოთ, ეგონებ, იერუსალიმის, სინას მთის და ათონის მთის მონასტრები!.. ამაზე მეტი ძილი იქნება?! როგორც ჰგავს, წერილის ავტორი კიევის გვირაბებიდან გამოსულა და რა ხდება ქვეყნიერობაზე, არ შეუტყუია ჯერეთ. წერილის ავტორს ჰგავს, არ გაუგია ჯერეთ, რომ პირველი შესანიშნავი მონასტრები, რომელნიც ცხვირის წინ იყვნენ, ხელიდან წაგვივიდა და სხვანი დაეპატრონენ და ეს დალოცვილი გამომდგარა კიევის მთიდან და გვესაყველურება, იერუსალიმის მონასტრები არ დაჰკარგოთ!..

თუ მართლა ისე ვართ დღესაც დამთავრდნი, რომ, მაგალითად, ჩვენს სამღვდელეობას ფიქრადაც არ მოსდის ამ საქმისათვის შეუძალება უწმიდადის სინოდის წინაშე, რათა დაგვეხმაროს ამ საქმეში, სწორედ წამხდა ჩვენი საქმე და ის აჩის.

ღმერთმა ნუ იწებოს! რას ბრძანებთ? ჩვენი ბარკალია მერე სად არის? ათონის მონასტრები ხომ ამოიგო და ეხლა იერუსალიმისას მიჰყოფს ხელს და, იმედია, მალე მოვესწრებით მათ ამოგებასაც.

მადლობა ღმერთს, რომ წერილის ავტორი სულ არ გვიკარგავს იმედს! ის ამბობს:

სანუგეშოდ მას ერთს სასიამოვნო ამბავს მაინც ვათხოვოთ უური და გონება.

შარშან, 1893 წელს, კიევის სასულიერო აკადემია დაასრულა ერთმა რუსის სტუდენტმა, რომელმაც დისერტაცია დასწერა ამ სასულწოდებით:

«Палестинское монашество въ V вѣкѣ», (პალესტინის ბერობა მე-V საუკუნეში).

მერე რაო? რაო და ეს დისერტაცია ძლიერ მოეწონათ და მისი დაბეჭდვა სთხოვეს ამ სტუდენტსო. სტუდენტმა უფრო ვრცლად შედგენას დაპირდა პალესტინის საზოგადოებას და არიქა, მივაშველოთ, რაც ცნობები გვექონდეს პალესტინის ბერობაზე V საუკუნეშიო. სწორეთ ყველანი ვალდებული არიან დაეხმარონ ამ სტუდენტს ვრცლად დისერტაციის შედგენაში! სრული იმედია, რომ ამ დისერტაციის შემდეგ უცხოეთში ძველის ძველი ჩვენი მონასტრები, რომელთაც სხვები დაპატრონებიან, დაგვიბრუნდება და გაეკეთდებით!... მახლას!..

სოფლის ხუცესი.

### ნეკროლოგი.

ბლაღოჩინი მღვდელი ნიკოლოზ შენგელაია.

7 აპრილს ამა წლისას ფელტეების ანთებით გარდაიცვალა ს. გალში (სუსუმის ეპარქია-აფხაზეთში) უკვლასკან პატრიარქული ბლაღოჩინი მღვდელი ნიკოლოზ ალექსის ძე შენგელაია. განსვენებული ჯერ მეტად ახალგაზდა იყო — სულ 30 წლისა. მამა ნიკოლოზმა 1883 წელში დამთავრა თბილისის სასულიერო სემინარია; სწავლის დამთავრებისთანავე განსვენებული შეუდგა იმ მიზნის განხორციელებას, რომელიც მას ჯერ კიდევ სასწავლებლის სკამზე ჰქონდა შესისხლხორცებული, მან აღმოაჩინა თავის მოღვაწეობის ასპარეზად მიურუბული და შივარდნილი მხარე აფხაზეთი (განსაკუთრებით იმ დროებში). იქ მთავრობის ნება-რთვით მან გასსნა დ. რქუმში სამრევლო სკოლა, სადაც მეტად მუშაობდა და ბეჭითად ასწავლიდა ბავშვებს; სხვათა შორის მამა ნიკოლოზი ცდილობდა ახალგაზდა ახსნა-ფებისთვის ქართული ენაც ესწავლებინა. რამისამი წლას შემდგომ სამრევლო სკოლა განსვენებულისა სამაგალითო იყო მთელს სუსუმის ეპარქიაშიდ. — უოფილის სუსუმის ეპისკოპოსის უოკლად სამღვდლო გენნადის დროს, განსვენებულმა ნიკოლოზმა დიდი ურყადლება დაიმსახურა მწვემთ-მთავრისაგან სამაგალითოდ მომზა-

დებულებით და კონტად მწყობილი სკოლით. მაგრამ მამა ნიკოლოზი მისწრაფებდა უფრო მაღალი იდეალისკენ. მას სურდა გამხდარიყო მოძღვრად ამ მიჯნურნილს კუთხეში, სადაც მას თავის ბებია არგუნა მოღვაწეობდა. 1888 წელს იგი ხელ-დასხმულ იქმნა მღვდლად უკვლად სამღვდელთა გენერალისგან დატოვებით იმავე სკოლის მასწავლებლად. როგორც მოძღვარი მამა ნიკოლოზი მეტად პატიოსანი, უნაგარო და შრომის მოყვარე იყო. ის მტკიცედ ასრულებდა თავის მოვალეობას, იყო ფრთხილ მტკიცებულებით მქადაგებელი, ის არასდროს არ სკამდებოდა რაიმე წვლილს ან გარიშებით, — სულთ და გულთ დანდობილი იყო თავის ერთსულვე განსაზღვრულ მიზანზე — როგორმე დაემკვიდრებინა ნათელი ქრისტიანული სარწმუნოებისა და კეთილზნობისა თავის სამწყსოში. სადაც მოიპოვა განსვენებულმა დიდი სიყვარული და პატივისცემა. საკვირველი იყო ის შინაურა კაცობის, რომელიც სუფიქსად ამ ხალკსადა მოძღვრის და მის სამწყსოს შორის: ყოველს მის სამწყსოთაგანს მეტად უყვარდა განსვენებულს, რის გამო თავის გაშიშვლების მაღაზოდ ჭრაცხდა დაჩივებს, რჩევას თავის ხალკსადა მოძღვრისას. აგრეთვე დიდად სატულისხმე იყო ის მოკვლენა, თუ როგორ დაიმსახურა ამ გვარი სიყვარული და ნდობა ხალკსადა მოძღვარმა თავის სამწყსო შორის, იმ სამწყსოში, სადაც მას არა ერთსულ შესვდებოდა შეიარაღება სხვა და სხვა ცრუ მოწმუნებოთა და ძველჩიკულებოთა წინააღმდეგ. — 1892 წელს მარტში უკვლად სამღვდელთა აკადემიის განკარგულებათ განსვენებულს დანიშნულ იქმნა სუხუმის მე-V საბლადოჩინოთა ოლქის ბლადოჩინის თანამდებობის აღმასრულებლად; — სოლო განსაკუთრებით გულსმოადგილე სამსახურსათვის აკვირდის თათვეში იმავე წლისა დამტკიცებულ იქმნა ამვე ოლქის ბლადოჩინად. ამ ხალკ თანამდებობაშიც განსვენებულს მეტად პატიოსანი და უნაგარო იყო, მაგრამ ამდენმა დაუღალავმა შრომამ და მწუხარებამ თავის უღრთოდ დაკარგულ ძეგულსზე ბოლო მოუღეს უმისოდაც სუსტს აკებულებას განსვენებულსას. 8 დეკემბერს გასული 1893 წლისას მამა ნიკოლოზი ჩაწვა ლოჯინში ფელტკების ანთებით, საიდანაც შემდეგ აღარ ამდგარა და 7 აპრილს საუკუნოდ განშორდა ამ სოფელს. ხანგრძლივის ავადმყოფობის დროს განსვენებულს წამდაუწყებლად მოდიოდნენ მისი სამწყსოთაგანი და რა ხედავდნენ თავის მოძღვარს ავადმყოფს, დასუსტებულს, როგორც ბავშვი ისე ჭკითინებდნენ. — ამ გვარის

ნამდვილი სიყვარული მწუხარებისა და მისის სამწყსოთა შორის. 10 აპრილს მამა ნიკოლოზის გვამი წამოასვენეს თავის სოფელს ობუჯში — (სამეგრელოში, სუგდილის მაზრისში). კუბოს მოჭყვებოდა ბარკ ათასამდე კაცი და ქალი. 13 აპრილს დასაფლავეს განსვენებულს. დასაფლავებაზე მეტად საგრძნობელი სატუვა წამოასთქვა ერთმა სემინაროელთაგანმა ვასილ ალშინაიამ, რომელმაც, სხვათა შორის, აღნიშნა დიდი ღვაწლი და შრომა განსვენებულისა აფსაზთა შორის. — მამა ნიკოლოზის დანა თხისა წგრილი ობლები, რომელთა აღსაზრდელად განსვენებულს არ დაჩენია არავითარი სასხარი, სასურველი იქნებოდა, რომ სუხუმის საქანქათო მთავრობამ გამოეუბნოს რაიმე წყარო აღსაზრდელად განსვენებულის ობლებს.

ერთი მისი თანამოძმეთაგანი.

\* \*

კოცხალ-მეცდარია იგი ქაბუცი, ეინაც მოიკლა სარწმუნოება, უარ-ჰყო წმინდა მისწრაფებანი და შეიზოზლა ტკბილი ოცნება; ვის გონებასა გულსა და გრძნობას არ ხიბლავს საღმრთო იდეალები, — და ვერას ხედავს სოცულ-ს მეტსა დედა-მიწაზედ ვისიც თვალები. ისიც მეცდარია, ეინც დაემონა გარეშემორტყმულს გარემოებას და შეურთგდა ჭკუით გლახაკი ბრძულად სიბილწის და გარყენილებას. მაგრამ ათას წილ უბედურია, ეინც დაიხემა გენიოსობა, ტენ ცარიელმა მოუშაღებლად თავს იღვა მოძვე ხალხის მოძღვრობა! გვეყო ამდენი მეღეჭეები... გვეყო ამდენი ქარაფშუტობა:



ჩვენ გვეპირება დამჯდარი შრომა,  
დინჯური ღვაწლი და ბეჯითობა.

ბევრმა დაიწყო აღრე ყივილი,  
უდროვოდ ბევრმა იწყო მგონობა,  
დაუჩიავდა ამით ბევრს ქკუა,  
და წაებილწა, წაუხდა გრძნობა.

კმარა... დრო არის, საქმეს შეუდგეთ,  
გვეყო ამდენი ხნისა ბავშვობა!  
ნუ თუ სულ უნდა ბავშვები ვიყვეთ?!  
როს გვეღირსება ჩვენ ვაჟ-კაცობა?!

ილ. ჩხერიშვილისპირელი.

### წერილი რედაქციის მიმართ.

#### მამა რედაქტორა!

სეერის და საჩხერის საბლალონინო ოლქში  
სამოცამდი სოფელია — 60000 მცხოვრებით. ამოდენა  
სოფლებში მხოლოდ ორი სოფელი ქორეთისა და  
ჩიხისა არის დაშთენილი, სადაც ძველი პატარა ეკ-  
კლესიებია, დანარჩენს სოფლებში კი ყველგან ახალი  
ქვის ეკკლესიებია აღშენებულნი და შესაფერათ შემ-  
კულნი. ახალი ეკკლესიები ზოგი ბერძენთაგან არიან  
აღშენებულნი და ზოგი ოსტატთ — გლებთ ფხალაძე-  
ებთაგან, რომლებიც ცხოვრობენ სოფელს სკინ-  
დორში. ბერძენების აღშენებული ეკკლესიები: კორ-  
ბოულის ღეთის-მშობლისა, ქორცილის, გორისის  
და სეერის ისე დაზარალდენ, რომ სასულიერო მარ-  
თელობამ საჭიროდ დაინახა ხსენებული ეკკლესიები  
ხელ-ახლად შეკეთდენ და რკინით შეიკრან. თვითო-  
ეული ამ ეკკლესიების შეკეთება უჯდება ხალხს არა  
ნაკლებ 2000 მან. ფხალაძეების გაკეთებული ეკკლე-  
სიები: კორბოულის წ-ის გიორგის, ჯალაურთის,  
სკინდორის, ცხრუყვეთის და სხვა მრავალი კი მტკი-

ცეთ და შეურყვევლად დგანან, მაგრამ რომ იტ-  
ყვიან, შინაურ მღვდელს შენდობა არა აქვსო, ისე  
მოსდისთ ფხალაძეებს; მათ ამ ბოლო დროს მხო-  
ლოდ ერთი ეკკლესია აქვსთ აღებული და სხვას კი  
ბერძენები ადგიან. ამის მიზეზი უმთავრესად ის არის,  
რომ ბერძენები ფხალაძეებს უფრო ახერხებენ კა-  
მიტეტთა გადაბირვას, აგრეთვე ბერძენები ეაჭრობაში  
ღირებულს ფასს უკლებენ (ხალხსაც ეს უნდა), რომ  
სამუშაო იშოონ და ტყუილა, უმუშევრათ არ დარ-  
ჩნენ, როგორც შორიდამ მოსულნი. ეკკლესიას გა-  
რეგანის ფორმით კარგს აშენებენ, მაგრამ ყალბის  
მასალისაგან, რომელიც შემდეგ რამოდენიმე წლისა  
ირღვევა და ხალხს დიდი ზარალი მოსდის. მაგრამ  
ზოგიერთებს მინც ვერ დაარწმუნებთ, რომ სჯობს  
მეტი დახარჯო და საქმე კარგად გაკეთდეს, ვინემ  
ცოტა დახარჯო და საქმე კი ცუდათ გაკეთდეს.  
აქედამ ცხადათ დაინახავს ყველა, რომ ფხალაძეები  
მტკიცედ და ძლიერ კარგად აშენებენ ეკკლესიებს,  
ხოლო ბერძენები ყალბათ. ფხალაძეები არ არიან  
მდიდარი გლებები, მაგრამ თავის ხელობას სინდი-  
სიანათ და პატიოსნათ ემსახურებიან. ბერძენებს მხო-  
ლოდ ჩაქუჩის მეტი არა აქვსთ-რა, როდესაც ეკკლესიას  
იღებენ გასაკეთებლად, ფიქრობენ, როგორც იქნება,  
ეკკლესიას ავაგებთ, ფულს ჯიბეში ჩავიდებთ, მერე  
ცხრა მთას იქით ვინლა გამოგვიდგებაო. ფხალაძე კი  
შიშ ქვეშ არის, მამულის კაცია, სინილისიკ აწუხებს,  
რომ ეკკლესია ყალბათ აავოს, რადგან ხალხს ვე-  
ლარ შეეყრება პირში, თუ მიზეზი რაიმე მიეცა მის-  
გან აღშენებულ ეკკლესიას.

ამიტომ საჭიროა ფხალაძეებს ყურადღება მიექ-  
ცეს როგორც სასულიერო მთავრობის მხრით, აგ-  
რეთვე ხალხის მხრითაც და მათ ხშირად უნდა მიეცეს  
ახალი ეკკლესიები აღსაშენებლად. ბევრად სჯობს,  
მეტი დახარჯოს, და ეკკლესია, ეს საუკუნო სახლი,  
მტკიცეთ აავო, ვიდრე მცირე ფასი გაილო და ხელ-  
ახლად დიდი ზარალი დაგატყდეს თავზე.

ბლალ. მლ. ი. წერიული.

### ჭიათურის რკინის გზის კურთხევა.

15 მაისს აკურთხეს ჭიათურის რკინის გზა. ამ დღეს, დღის 8 საათზე შორაპნის რკინის გზის სადგურზე შეიკრიბა საზოგადოება. რკინის გზის საკურთხებლად მოპატიჟებული იყო «მწყემსი»-ს რედაქტორი დეკანოზი მ. დავით ლამბაშიძე. ათს საათზე შორაპანში გადახდილ იქმნა პარაკლისი წყლის კურთხევით. მღვდელ-მოქმედების შესრულებას დროს გალობდა ყვირილის ნორმალური და სამრევლო სკოლების მოსწავლეთაგან შემდგარი გუნდი მკალობელთა ბ. ჭინჭველაშვილის ლოტბარობით. შემდეგ პარაკლისის შესრულებისა სამღვდელოება, გზის გამგ. ნი და საზოგადოება ორთქლის მატარებლით გაემგზავრენ ჭიათურისაკენ. გზაზე მტკნლობელთა გუნდი გალობდა «აცხვანე უუალო ერი შენი»-ს. შორაპნიდან ყველა სადგურზე მატარებელი ჩერდებოდა. სამღვდელოება რკინის გზის გამგეთა წინამძღოლობით რკინის გზის სადგურს და ყველა შენობებს ასხურებდენ აიაზმის წყლითა, ხოლო მკალობელნი გალობდენ ზემო ხსენებულ საგალობელს. ყველა სადგურზე მრავალი ხალხი იყო შეკრებილი. ნაშუადღევს პირველ საათზე მატარებელი მივიდა ჭიათურაში, სადაც დიდ ძალი ხალხი იყო თავმოყრილი. ჭიათურის სადგური მშვენივრად იყო მოართული ხის ფოთფიანი ტოტებით, ყვავილებით და ბაიროხებით. აქ გადაიხადეს სამადლობელი პარაკლისი, რომელიც დასრულდა მათი იმპერატორებით უდადებულესობათა მრავალკამიერობის წარმოთქმით.

მესამე საათზე სამღვდელოება, მაზრის ადმინისტრაცია, საზოგადოების საპატოპირნი, ქვაგუნდის ზოგიერთი მუშატრონენი და მწარმოებელნი რკინის გზის გამგეთაგან მიპატიჟებულიყვნენ

სადილზე. სადილზე პირველად დალიეს ხელმწიფე იმპერატორის სადღეგრძელო, რომელიც დიდის აღტაცებით იქნა მიღებული; შემდეგ დალიეს სადღეგრძელოები სხვა და სხვა საპატოპირთა. სადილზე დეკანოზმა დავით დამბაშიძემ სთქვა შემდეგი: ბატონებო, იშვიათად შეხედება კაცი ისეთ საინარჯლო ღვთაწაულ ღვთს, როგორც არის ყველასათვის ღვთის ღვთ. ხშირად მოხდება ხოლმე, რომ ერთი ოჯახი, ანუ ერთი სოფელი, ანუ ერთი მაზრა და ან მთელი გუბერნია ღვთსაწაულადღეს და ინარჯდეს, მაგრამ ამავე დროს დანარჩენი მცხოვრებნი სახელმწიფოსა არავითარ მონაწილეობას არ იღებდენ ამ ღვთსაწაულობაში. ღვთს კი სულ სხვაა. ღვთს არის კვირა—სასინარჯლო ღვთსაწაული ყველა ქრისტიანეთათვის. ღვთს არის მათი იმპერატორებით უდიდებულესობის მიროცხების და გვირგვინოსნების ღვთს ღვთსაწაულობა, რომელშიც მონაწილეობას იღებს მთელი იმპერიის ყველა თემის და აღსარების ხალხი. მთელს ჩვენს იმპერიაში ერთად ღვთსაწაულობდენ ამ ღვთს ქრისტიანენი, მოსლემანნი, ებრაელნი და კურპთ-თაყვანის-მკემელნი, რასაკვირველია, ჩვენც მთელი რუსეთის ხალხთან ერთად განცხრომით ვღვთსაწაულობთ ამ ღვთს. მაგრამ ამ ღვთსაწაულოს აღიადებს და ფრად აბრწყინვალებს, განსაკუთრებით ჩვენთვის, ჭიათურის რკინის გზის კურთხევა. ღვთს მომეტებულად გაეხანა ჭიათურის სიმდიდრეს ბაზარი მთელს დედამიწაზე. ეს ფაქტი ისეთი შესანიშნავია ჩვენს ცხოვრებაში, რომ მისი მნიშვნელობის სრულად დაფასება შეიძლება მხოლოდ რამოდენიმე ხნის შემდეგ. ვის უნდა უმაღლოდეთ და ვისი მოწყალებაა ამ რკინის გზის გაყვანა ამ მიუდგომელ ციცაბო აღვილებში? ამ ბედნიერებს ჩვენდამო მომნიჭებელი არის ხელმწიფე იმპერატორი, რომლის გვირგვინოსნებასა ვღვთსაწაულობთ ჩვენ ღვთს და რომელიც ნიადაგ ზრუნავს თავის ქვეშევრდომთა კეთილდღეობაზე. მაგრამ ამავე დროს არ შეგვიძლია არ მივაქციოთ საზოგადოების ყუ-

რადღება იმ პირებზე, რომელნიც გასაოცარი მოხერხებით ებრძვიან ყველა იმ დაბრკოლებათა, რომელნიც წინ ეღობებიან ხალხის ერთმანეთთან მოსვლას, დაახლოვებას, და ხალხისათვის საკეთილდღეო ყოველ მრეწველობას და აღებ-მიმცემობას. რამდენი სიმდიდრე იყო და არის დღესაც ჩვენს დამარხული მიწის ქვეშე და ზემოდ, რომელთაც გზის უმეკონებლობისა გამო ყოველი ფასი დაკარგული ჰქონდა და ამ სიმდიდრის მეპატრონენი კი უკიდურეს სიღარიბეში იყვნენ. ვინ მოიფიქრებდა ოცი წლის წინად, თუ შორაპნიდამ ჭიათურაში მოვიდოდით ორთქლის მატარებლით რამდენიმე საათის განმავლობაში. მაგრამ ინჟინერთა ხელოვნებამ და მეცნიერებამ დასძლია ბუნების ყოველივე დაბრკოლებანი და კაცი გახდა ნამდვილ უფლად ქვეყნისა, სიტყვისაებრ საღმრთო წერილისა. ესეამ სადღეგრძელოს კ. ნ. სიპერგისას, რომელმაც გამოიჩინა თავის ნიჭი, გამოცდილება და გამჭრიახობა და ამისთანა ციკაბო კლდეებში გაიყვანა ასეთი გზა სულ იაფ ფასად. ღმერთმა აღდგერძელოს ეს კაცი და იმის ამ საქმეში თანამეშუაკენი. ღმერთმა აკურთხოს ეს გზა ჩვენი სახელმწიფოს საღიღებლად და ჩვენი ხალხის საკეთილ-დღეოდ. ეს სადღეგრძელო ყველასაგან აღტაცებით იქმნა მიღებუდი. ნაშუადღევს 7 საათზე სტუმრები და მასპინძლები ორთქლის მატარებლით დაბრუნდენ შორაპნში, სადაც მოვიდენ 9 საათზე.

ჭიათურის რკინის გზა გაყვანილია მდინარე ყვირილის ხეობაში. ყოველს ფენის გადადგმაზე ამ გზით მოსიარუდეს სუელ სხვა და სხვა სურათები ენატება თვალიწინ, რომედსაც აღტაცებაში მოჰყავს მნახველი და მნახველს ავიწყებს შვეიცარიის ბუნების სიმშვენიერეს.

14 მის ეს გზა დაათვალიერა სახელმწიფო რკინის გზების კამმისიამ, რომელმაც მოიწონა ეს გზა და კარონიერად ჩაიბარა. სწორეთ საკვირველია, რომ რადაცა ერთ მიდიონ და სამასი ათას მანეთად ამ სიმორეზე გზა გაიყვა-

ნოს გაცმა და ამდენი ხიდები და შენობები გააკეთოს.

ასე მშვენივრად და მალე გაკეთდა ჭიათურის გზა. ღმერთმა ინებოს ამ გზის კეთილი წარმატება საბედნიეროდ და საკეთილ-დღეოდ შორაპნის მაზრის ყველა მკვიდრთა, ქვა-გუნდის მეპატრონეთა და მწარმოებელთა.

დამსწკ.

**პროვიზორი აფთეპრის თანაშემწეა, თუ არა?**

ჩვენ მკითხველებს მოეხსენება, რომ ამას წინეთ ერთი ვილაცა ზიარელი პროვიზორი (თავის ვინაობის გამოცხადება ვერ გაბედა, ალბათ საპატია მიზეზით) გამოგვეკამათა წამლების სახელებისა და მომზადების შესახებ. ჩვენ პასუხი გავეცით და თან გამოვსთქვიეთ, რომ ჩვენი სურვილი იყო ვინმე ექიმს გაერჩია ჩვენი კარაბადინი და, ჩვენდა სამწუხაროდ, ზიარელი პროვიზორი კი შეეცრა ხელმოთქო. საზოგადოებას ვაცნობეთ, თუ ვინ არის პროვიზორი და რა ხელობის კაცია იგი. ჩუბინოვის ლექსიკონში ვნახეთ და აღმოჩნდა, რომ პროვიზორი აფთექრის თანაშემწეა. ჩვენი ზიარელი აფთექრის თანაშემწე ვაწიწმატებულა ამისთანა სახელწოდებით და მოჰყოლია ოცობოლიას წერას.

მართი ეკითხოთ ზიარელ აფთექრის თანაშემწეს, რა უნდა ამ კაცს და რაზედ მოსდის გული. ამ ლექსით წოდება პროვიზორებისა ჩვენი შედგენილი ხომ არ არის?

ზიარელ პროვიზორს ძლიერ სურდა თურმე დაწვლილებით მოეყოლოდით მკითხველებს მის ბიოგრაფიას, საღ დაიბადა, ვისგან, საღ მსახურებდა, საღ ისწავლა, იყო თუ არა უნივერსიტეტში, რამდენი ხანი სწავლობდა პირველად, მეორედ რომ წაეიდა, რამდენ ხანს დარჩა სასწავლებელში და დიპლომი ორ გირვანქიან

კარლონის ქალაღზე აქეს დაწერილი, თუ ნახევა რ გირეანქიანზედ. უმჯობესია მისი სიტყვები მოვიყვანოთ:

დააღ, ჩემო ბატონო, ის უნდა მომესვენებინა. რადესაც პრევიზორების დახლომს მიიღებთ, აი მაშინ დიდის საიმეოენებით ვაგიწვეთ სამეცნიერო კამათობას, ანამც თუ მარტო ფარმაციაზედ, ანამედ უკვლა იმ მეცნიერებაზე, რომელ მეცნიერება იან პრევიზორები განვითარებულნი ანან. მაგალითად, ვიბასებთ მინერალოგასა, გეოლოგასა, ბატანეასა, ზოოლოგასა, ფიზიკასა, მინერალურ ქიმიასა, ორგანიულ ქიმიასა, და ფარმაციაზედ, სწორედ იმ ფარმაციაზედ, რომელიც უკვლას სასელმწიფოებს განიხნად აქვსთ დადგენილი და რომლის ძალითაც პრაქტიკაშიც და დოქტორებიც თხოულობენ წამლებს აფთეკებიდგან და აფთეკები—პრევიზორებიც (პი, აფთეკა და პროვიზორი თურმე ერთი და იგივე ყოფილა ზიარელი პროვიზორის ტერმინოლოგიით), ვაღდებულნი ანან წამლები ამზადონ მხალოდ ფარმაციათის თანახმად.

საიღამ საღაო, წმიღა საბაო! რას ბრძანებთ, ზიარელი პროვიზორო! ეინ გთხოვსთ, მაინც და მაინც კამათობა ვაგიწვეთ-თქო. თქვენ თვითონ დაიწვეთ არა მკითხე მეამბესავით და ეხლა ჩვენ გვეუბნებით, რომ კამათობას არ ვაგიწვეთო?..

აი, მამაო, თქვენ რე გცოდნებათ, რუსეთის იმპერიაში არსებობს და წარმოებს Российская фармакопей, изданная по Высочайшему повелѣнiю, медицинскимъ Совѣтомъ министерства внутреннихъ дѣлъ, მაშინ „გოფემანის კაბელის“ და უკვლა სხვა წამლების მომზადებასაც იქიდგან ამოსწრდით თქვენი კანბადინისათვას და აღარ მოიყვანდით საბუთად ვიღაც თქვენ მიერ შესანიშნავ დოქტორად აღიარებულს და მის ფარმაცოლოგას, თქვენ მიერვე შესანიშნავ დოქტორად აღიარებულს. მაშინ აღარც ის წამოგდებოდათ თქვენს ზასუსში... «რატომ ასე უნდა შეგვეზავება წამლები, რადგანც ზიარელი პრევიზორი გვეუბნება, ამას ის ანაფრთთ გვაიმტიცებოსო. რომელს დაუფუქრეთ, ამ შესანიშნავ ექიმს ფარმაცოლოგს (ესტრელენს), თუ ზიარელ აფთეკის თანამეწესაო?»

მით ღროს თქვენი Российская фармакопей-თი ურჩევდენ ღერის მოსარჩენად გოგორდის ფუნელიის წყლით მიღებას როგორც მშვენიერ საშუალებას ღერის წინაღიმდეგ. მაგრამ ზიარელი პროვიზორის როგორ დააჯერებთ, რომ ბერი მისი უებარი წამალი შემდეგ რამოდენიმე ხნისა არც ერთი აღარ იქნება აფთეკებში!...

ამასთანვე თქვენს ზასუსში დაგიჟინათ, რომ «სრულებით ან შეუძლია დამტკიცებით სთქვას პრევიზორმა, რომ ეს და ეს წამალი კანგია და ეს და ეს ცუდია». მაშ უთუოდ მღვდლებს შეუძლიანთ! საწყალი თქვენი მკითხველები, რომდენ საგანზედ უგუდმარტ შეხედულობას ისწავლიან თქვენს გაზეთში!

თქვენდა სამწუხაროდ, მამაო, მხალოდ პრევიზორს, ვით ქიმიკოსს, შეუძლია წამლის აკანგინების შეტუება და მთავრება ექსპერტად მხალოდ პრევიზორს მიიწვევს ხალმე, რადესაც წამლების შესახებ სადმე ასე თუ ისე დავა აღიძვრის. ამისათვის უკველ საგუბერნიო მმართველობაში (губернское правление) თითო ექსპერტი—ქიმიკოსი პრევიზორიც ირიცხება სამსახურში. დააღ, თქვენდა სამწუხაროდ, მამაო, პრევიზორები ე. ი. ფარმაცეპტები აკადემიკოსებიც გახლავან, რადგანც მაგალითად Академикъ и заслуженный Профессоръ Императорской Военно-Медицинской Академiи, Непременный Членъ Военно-Медицинскаго ученаго Комитета Юлiй Карловичъ Трапцъ.—დააღ, ბატონო, თითქმის უკვლას უნივერსიტეტში ფარმაციის პრევიზორები პრევიზორები ე. ი. ფარმაცეპტები გახლავან (სარკვეში—ნირაგევი, ვარშაში—დავიდოვი, უანანში №, ტომსკში № და სხვა).—და რა საჭიროა ამათი ჩამოთვლა, რადესაც, ანამც თუ ესენი, უკვლა პრევიზორი კანონით ვაღდებულა ეამომიებლისაგან წარმოგზავნილი აღამიანის შიგნეულობა ქიმიურად გამოიკვლიოს და თავის აზრი წარადგინოს, მაწამელულია აღამიანი თუ ანა და, თუ მაწამელულია, რომელ საწამელით ანის მაწამელი, ისიც უნდა დაამტკიცოს კი. ბატონო, თქვენ მოჩინდ მოწაფესაც ანა კრთხელ ქქინა ამგვარი შემთხვევა.

ძლიერ მივირის, რატომ არ დაასახელა ჩვენმა მოკამათემ, თუ ზიარაში ეინ არის პროვიზორად. სრული

დარწმუნებული ვართ, რომ ალექსანდრე მაკედონელი ძლიერ კარგი კაცი იყო, მაგრამ სტოლებს რაზედ ამტყვევებ, ბ. ზიარელო პროვიზორო! რას ამბობთ, და თუ უკაცრავად არ ვიქნები, რას ბოდავთ? რა გინდათ ამითი დაამტკიცოთ თქვენ? მართალია და ჩვენც სრული დარწმუნებული ვართ, «რომ პროვიზორი კანონით ვალდებულია გამოამძიებლისაგან წარმოგზავნილი ადამიანის შიგნეულობა ქიმიკურად გამოიკვლიოს და თავისი აზრი წარადგინოს, მოწამლულია ადამიანი, თუ არა», მაგრამ აქედამ განა ის უნდა დავსკვნათ, რომ ზიარელმა პროვიზორმა ზედ მიწვენით იცის, თუ რომელ ავთომყოფობას რომელი წამალი მიუღდება? ეს რომ ასე იყოს, მაშინ ხომ ექიმებიც საჭირო აღარ იქნებოდნენ. როდესაც კაცის სხეულის დაჭრაზე მიდგება საქმე, ექიმები ფერწლებს ასრულებინებენ ამ მუშაობას, მაგრამ იმტომ კი არა, რომ ფერწლებილამ შეიტყონ, თუ რა მიზეზით არის მკვდარი კაცი, ანუ თვითონ არ შეეძლოს კაცის სხეულის გაჭრა. ექიმები და გამოამძიებლები პროვიზორს თუ უგზავნიან კაცის შიგნეულობას ქიმიკურად გასაშინჯად, ეს სრულებით იმას არ ნიშნავს, რომ პროვიზორებმა უფრო მეტი იცოდნენ ავადმყოფობის ვიდრე ექიმებმა. ჩვენ ვთქვით, რომ ექიმობისა პროვიზორებს არა ვაეგებათ რამეთუ და დღესაც ამასვე ვამბობთ, და ვიტყვით კიდევ, თუ გინდ «იული კარლოვიჩი ტრაპპი» მოიყვანოს ზიარელმა პროვიზორმა და თუ გინდ ბ. ილია. ქაეჭავაძე.

დაიღ; მამა, რაღა შრაგაზორი შეიქნებით, ჩვენ შეგვიძლიან ატყუვე ვაბასათ, რამდენად ვალდებულია მთავრების განხით, რომ შრაგაზორმა ექიმობაც იტრადეს უოკელ შემთხვევისათვის, განიცაბა კაცო მოიწამლა, დაიჩნა, გაიყინა, დაიწვა, მესი დაეცა, წვეთი დაეცა, ცოფიანმა და გესლანმა ცსკველებმა დაბინა და სსვ. და სსვ.

უკაცრავად ნუ ვიქნები თქვენთან, ზიარელო პროვიზორო და თქვენ ძლიერ მცირედ გცოდნებით მთავრობის კანონები ამ საგნის შესახებ. კანონით არა მარტო პროვიზორები, და განსაკუთრებით ზიარელი პროვიზორი, არამედ ყველა მღვდლები და მღვდელთმწიფიც ვალდებული არიან იმოდენი ექიმობაც იცოდნენ, რომ ვინიცობა კაცი მოიწამლოს, დაიჩნოს, გაიყინოს, მესი დაეცეს, წვეთი დაეცეს (ეს კი არ მიეტყვება ტერმინოლოგიის შემადგენელს),

ცოფიანმა და გესლიანმა ცხოველებმა დაჭბინოს, რაიმე შემწეობა აღმოუჩინონ გაჭირვებულთ. ყოველივე ამავის ცოდნა სავალდებულოა უკანასკნელი მოხუცებული დედაკაცებისათვისაც და თქვენ ვინ შემოგკადრებდათ ამავის უცოდინარობას.

კი, ბატონო. მაშინ და მსოფლად მაშინ, რადესაც შრაგაზორების დაბლამს მიიღებთ და ადიტუწყებით უკელა ზემოდ წამოთვლილ სწავლამტნიერებით, მაშინ გაიგებთ, შრაგაზორი რა მტნიერობა-ქიმიკობაც უოფილა და რამდენი მკვალეობა აწვეს მთავრებისა და კაცობრების წინაშე. მაშინ იმედი მაქვს, შრაგაზორს აღარ წაჭვლამთ გუთნის კვალში და აღარ ეტყვით თქვენს მკითხველებს: «არ-კი გეტონათ, რამ შრაგაზორი ან ექიმი იყოს, ან ვინმე დიდი ნასწავლი კაცი».

რამდენიც უნდა ილაპარაკოთ და ამტკიცოთ, რომ საზოგადოთ პროვიზორები და განსაკუთრებით თქვენ მეცნიერი ქიმიკოსები ხართ, რომ ვალდებულნი ბრძანდებით მიცვალებულის შიგნოულობა ქიმიკურად გაშინჯოთ, რომ თქვენ ექიმების რეცეპტებით წამლებს მშვენიერად ამზადებდეთ, და ვალდებული ხართ მესხისა, და წვეთის დაცემის დროს, ანუ კაცის სხეულის გაყინვის დროს შემწეობა აღმოუჩინოთ ყველას, მაინც არ შეგვიძლია ჩვენ მკითხველებს არ ვუთხრათ, რომ პროვიზორი, ჩუბინოვის ლექსიკონის განმარტებით, ნიშნავს აფთექრის თანაშემწეს და რომ იგინი ექიმები არ არიან.

დეგ. დ. ლამ—ქე.

### ახალი ამბები და შენიშვნები.

მისმა ყოველად უსამღვდელოესობამ, იმერეთის ეპისკოპოსმა გაბრიელმა შემდეგი ცირკულიარული მიწერილობა გაუგზავნა ამ დღეებში თავის ეპარქიის ყველა ბლაღოჩინებს: «ყველასთვის ცხადია, რომ წმიდა მოციქულთა სწორის ნინა—ქართლველთ განმა-

წათლებელის ქება-დიდება და თაყვანის ცემა არც ერთ ხალხოსნობაში არ უნდა იყოს ისე გაძლიერებული და გაგრძელებული, როგორც ქართველობაში; ამ წმიდანს აქ, საქართველოში, უნდა ეჭიროს უპირველესი ყოველთა წმიდანთა ადგილი. თუმცა ეს ასეა, მაგრამ, სამწუხაროთ, ცოტაა რწმუნებულს ჩემდამო ეპარქიაში ისეთი ეკკლესია, სადაც იმეკონება ხატი წმიდა ნინოსი. ამისათვის მე დიდი ხნიდგან მქონდა განზრახვა და სურვილი შეეძინა ყველა შტატის ეკკლესიებს ეს ხატი, ეხლა დეკანოზ დავით ღამბაშიძეს, როგორც მახსენებს მე იგი, დაუმზადებია მრავალი ხატი წმიდა ნინოსი.

გაცნობებთ რა ამას, მოგიწერ თქვენ გამოიწეროთ მოხსენებული ხატი ეკკლესიისათვის, რომელსაც კი ესეთი ხატი ჯერ კიდევ არ აქვს შეძენილი».

\* \*

უმთავრესად ნაბრძანებია მიეცეს ხაზინიდან სამრევლო სკოლების დასახმარებლად 350,000 მან.

იმედია, რომ ამ ფულებიდან რამდენიმე ჩვენ საქართველოს საექსპროსიოსი სამრევლო სკოლებსაც მიეცემათ.

\* \*

ამას წინეთ თბილისის სასულიერო სემინარიის მთავრობამ გაზეთ «კავკას»-ში დაბეჭდა განცხადება, რომელშიაც გამოცხადებული იყო, რომ ამ სემინარიის ყველა მოწაფენი, რომელთაც თხოვნა შეიტანეს სემინარიის სამმართველოში და ითხოვეს მიღება, მომავალ სასწავლო წლიდან ვალდებულნი არიან იცხოვრონ სემინარიის საზოგადო ბინაზე და შეიტანონ წელიწადში ასი მანეთი. ამ ფულიდან ცხრა თუმანი იქნება სასმელ-საჭმელის (ფენსაცმელ და ტანთ-საცმელ გარდა) და ერთი თუმანი საჭირო წიგნების და სასწავლო ნივთების საყიდლად. ამ ფულებიდან 40 მან. მოწაფემ უნდა წარადგინოს სექტემბრის თვეში, 30 მან. იანვარში და სამი თუმანიც აპრილში.

\* \*

ქუთაისში 10 მაისს გაიხსნა ქუთაისის გუბერნიის თავდა-აზნაურთა კრება გუბერნიის და მაზრე-

ბის მარშლების ამოსარჩევად. კრებას სამასზე მეტი წევრი დაესწრო. ოზურგეთის და შორაპნის მაზრებში ისევე ძველი წინამძღოლები დარჩნენ. რაჭაში აღრჩეულ იქმნა აწ უკვე ვარდცხვლებულის თავადის ალექსანდრე მ. წერეთლის მაგიერ ბ. ს. ჯაფარიძე და ქუთაისის მაზრაში თავადის კონსტანტინე დ. წულუკიძის მაგიერ აღრჩეულ იქმნა თავადი დავით ნიჭარაძე. გუბერნიის მარშლად აღრჩეულ იქმნა ხმის უმეტესობით ისევე თავადი სიმონ წერეთელი (მიიღო 279 თეთრი და 40 შაფი). დეპუტატთა საკრებულოს სამმართველოს წევრებად აღირჩიეს: ქუთაისის მაზრამ თავადი პეტრე გიორგის ძე წულუკიძე, ოზურთის მაზრამ ილია მირიანის ძე ჭყონია, შორაპნის მაზრამ ისევე კ. მაჭავარიანი, რაჭის მაზრამ დავით ნიკოლოზის ძე ბაქრაძე. მდივნის თანამშემწის თანამდებობაზე კრებამ დაამტკიცა დარისპან ჭიჭინაძე, ხოლო მდივნად კი აღრჩეულ იქმნა შორაპნის მომრიგებელი სამსახულოს მდივანი ბ. ილია ჩხვიძე და მის კანდიტატთა ილია მაჭავარიანი.

\* \*

ქუთაისის სასულიერო სასწავლებელში თორმეტ მაისიდან დაიწყო ეკზამენები და გათავდება იენისის თთვის 11 რიცხვს.

\* \*

ქუთაისის ეპარქიალურს გაბრიელის დედათა სასწავლებელში მომავალი სექტემბრის თვიდან გაიხსნება პირველი კლასი, რომელშიაც მიიღებინ როგორც ამ სასწავლებლის მოსამზადებელი კლასის მოწაფე ქალები, ისე გარეშე მომზადებულებიც, რომელნიც ეკზამენს დაიჭერენ.

\* \*

რაც ქუთაისის პოლიციემისტრად დაინიშნა ბ. ძ. ი. სვიმონოვი, შესანიშნავი ქურდობა და ცარცვაგლეჯა არა მომხდარა რა, რომლითაც წინეთ მეტათ შეწუხებული იყო ქუთაისი. 24 აპრილის თთვეს ხმა

გაერცელდა, რომ ერთი ვაჭრის ღუქანი გასტეხეს და დიდძალი საფასო ნივთები გაიტანესო. პოლიცემისტერმა მიიღო თავის ზომები და მოპარული ნივთები დამკლის სახლებში აღმოაჩინა!...

\* \* \*

«მწყემსი»-ს რედაქციამ უკვე მიიღო პატარა იაფ ფასიანი ხატები და მადლობა ღმერთს, რომ ჩვენს სამღვდელთაში აღმოჩნდნენ ისეთი მოძღვრები, რომელთაც მხურვალე მონაწილეობა მიიღეს ამ ხატების გაერცელებისათვის ხალხში. პლაღოჩინმა დეკანოზმა მამა დიმიტრი ხახუტოვმა, ბლაღოჩინმა მამა ერმალოზ კანდელაკმა და მამა იროდიონ ჩხეჭოროვმა დაიბარეს ას-ასი ამისთანა პატარა ხატი ხალხში გასაერცელებლად. ერთი მღვდელი გვწერს, რომ ერთ დღეს ოც-და-ათი ხატი წაიღეს მრევლთა. დიად, უნდა გამოვტყდეთ, რომ ჩვენი ხალხის სარწმუნოების და ზნეობის მხრით დღევანდელი დაქვეითების საქმეში არა მცირე ბრალი მიუძღვის მათ მოძღვრებს.

\* \* \*

რუსულ გაზეთებიდან ვცუობილობთ, რომ სმოლენსკის სასულიერო სემინარიაში უწყსოება მოუხდენიათ მოწაფეებს აპრილის პირველს დამით. ამ უწყსოების გამოსაძიებლად დაუნიშნავსთ უწმიდესი სინოდის სამოსწავლო კამიტეტის წევრი დეისტიტელნი სტ. სოვეტ. პ. ი. ნეჩაევი, რომელსაც კიდევ გამოუძიებია საქმე. ამ სემინარიის ინსპექტორს და მის თანაშემწეს უკვე შეუტანიათ დათხოვნის ქაღალდი.

\* \* \*

ამას წინეთ ჩვენ გაცვრით მოვიხსენეთ, რომ, თუ ელადიკავკაის ეპარქია მოაშორა უწყსიდესმა სინოდმა ჩვენს საქართველოს, მოსალოდნელია, სხვა ცვლილებანიცა-თქო. ეხლა რუსულ გაზეთებში უფრო გახშირებით ვკითხულობთ, რომ საქართველოს საეპარქიო-სოში დიდი ცვლილებები მოხდებაო. ამ გაზეთებს თუ დაუჯერა კაცმა, იმასაც სწერენ, რომ საქართველოს ექსარხოსი, მთავარ-ეპისკოპოსი ელადიმირი ტუერის ეპარქიაში ინიშნება და მის ადგილზე საქართველოს ექსარხოსად დანიშნება ფილიანდის მთავარ-ეპისკოპოსი ანტონი ან ნოვგოროდის მთავარ-ეპისკოპოსი თეოგნოსტიო. მაგრამ ეს უკანასკნელი ხმები, ჩვენის აზრით, ქორები უნდა იყოს.

\* \* \*

სოფლის ზოდის წმიდის გიორგის ეკლესიის მღვ. ალექსი ჯაფარიძისაკან ჩვენ მივიღეთ შემდეგი წერილი: „მ. რ! უპორობისგან გთხოვთ, ნება მიბოძოთ, რომ თქვენის ჟურნალის «მწყემსი»-ს საშუალებით გულითადი მადლობა გამოუცხადო როგორც მე, ისე ჩემმა მრევლმა ქვემო აღნიტნულ პირთ, რომელთაც შემოსწირეს ჩემდამო რწმუნებულ ეკლესიას სხვა და სხვა ნივთები. აი შემწირველთა სია: აზ. როსტომ გამყრელიძის მკერიემა შემოსწირა შვიდ ლეროვანი დიდი შანდალი, ღირებული 44 მ., ილარიონ ოტიას ძე გამყრელიძემ 30 მ., ღირებული ბიარაღები, ოქროპირ კვირისაძე სამხარაძემ ერთი ტრაპეზის ჯვარი ევროპლისა ოქროშიდ დაფერილი, ღირებული 43 მან.

რედაქციის პასუხი.

მღვ. ა. გ.—ს. ნელის მოწერით დაბიყვანთ პირი ყველა თქვენი სიმართლისათვის. თქვე დალოცვილო, რაც მიიღეთ, იმაზედ მოაწერდით ხელს და არა იმაზედ, რაც არ მიგიღიათ. ნუ შეშფოთდებით, უმართებულობა დიდხანს ებრძვის სიმართლეს. ნუ დაივიწყებთ, რომ მოციქული პავლე ამბობს: მთელი ქვეყანა უსამართლოებაზე არის დაზარებულიო. ღმერთი მოწყალეა. თქვენგან დაზარებული წიგნები გამოგვზავნეთ და მათრის უფროსთან მოვიტოხეთ...

მღვ. ილ. ქერციკიძეს. ძლიერ საადვილოა ზედ-მიწერილი ეპატესიის სახელზედ გამოიწეროთ საეპატესიო საბუთები. მიგვირს, რომ ამდენი ხანი ვერ შეიტყო ეს სამღვდელთაში. თუმცა ორგზის გგვერნა გამოცხადებული.

მღვ. ანბ. ყურას. დრაჟის ფულის პლების დრო იწყება იანგრი-დამ იანგრამდის. პენსიის ფულს მიიღებს მღვდელი თხოვნის შეტანის დღიდან. წინეთ შტატ გართი მღვდელი პენსიას იღებდა სამრევლოდგან დათხოვნის რიცხვიდან, მაგრამ დღეს კი იმ დროიდან, რა დროსაც შეიტანს პენსიის დანიშნისათვის თხოვნას.

ხეი. გ. პ.—ი. წაიკითხე სახარება და იქ ნახავთ იმ ავაზაკების სახელს და როცა ნახოთ, შემატყობინეთ და თუ ვერ ნახოთ, ისიც შემატყობინეთ.

**გ ა ნ ც ხ ა ლ ე ბ ა ნ ი .**

**სახელმძღვანელონი,**

**დაწერილია იაკობ გეგეზაშვილის მიერ.**

**დედა-მეც,** ანუ ანბანი და პირველი საკითხავი წიგნი, საერო და სამრევლო სკოლებში სახმარებელი, მეცხრე შეესებული გამოცემა, დაბეჭდილი წერა-კითხვის საზოგადოების მიერ. ამ გამოცემაში ჩართულია თავში სახატავი სურათები და ბოლოში საწერი დედანი, ასე, რომ ამ წიგნის მხმარებელთ აღარ მოუწოდებათ სყიდვა არც სახატავებისა და არც დედნისა. შასი ისევე ექვსი შაურია, ყლით ორი აბაზი. ეს წიგნი მოწონებულია და მართულის ენის სახელმძღვანელოდ დანიშნული განათლების სამინისტროს მიერ და უწყმიდესი სინოდისაგან... მინც ერთად იყიდის ოც და ათსან მეტს ცალსა, წიგნი დაეთმობა ხუთ შაურათ, ყლით შპ კაპ.

**მშენებლის პირი,** ანუ საკითხავი წიგნი, უმცროსს კლასში სახმარებელი, მეშვიდე გამოცემა, შემკული სურათებით და საქართველოს ქარტით. დაბეჭდილია წერა-კითხვის საზოგადოების მიერ. შასი ყლით ოთხი-აბაზ უხალთუნი (90 კაპ.). უყლოთ ეს გამოცემა არ ისყიდება. მინც ერთად იყიდის ათს ცალსა, წიგნი დაეთმობა ოთხ აბაზად, ვინც ოცსა—თუთხმეტ შაურად და ვინც ოც-და-ათსა—თოთხმეტ შაურად. ეს წიგნიც მოწონებულია სამინისტროსაგან, როგორც „მშენებრი სახელმძღვანელო მართულის ენისა“ და აგრეთვე უწყმიდესი სინოდისაგან.

**მ მ მ რ ი,** ანუ ანბანი და პირველი საკითხავი წიგნი, სახლობაში სახმარებელი, გამოცემა მეშვიდე, ფასი ორი შაური; ნარდათ 8 კაპეიკი.

**მ მ ნ** საყმაწვილო მოთხრობათა ბუნების მეცნიერებებიდან, მესამე გამოცემა, სურათებიანი, ფასი ათი შაური, ვინც ნაღდს ფულზედ იყიდის ათს ცალსა, ცხრა შაურად მიეცემა წიგნი, ვინც ოცსა, ორ აბაზათ. წიგნი მოწონებულია როგორც სამინისტროსაგან, ისე სინოდისაგანა.

**ს მ მ ლ ი,** ანუ რჩეულთა ლექსთა კრება მოზრდილ ყრმათათვის, მეორე გამოცემა, ფასი ექვსი შაური. მოწონებულია სამინისტროსა და სინოდისაგან.

**მუნწულა,** ანუ საყმაწვილო მოთხრობანი, ფასი ორი აბაზი. მოწონებულია როგორც სამინისტროსაგან, ისე სინოდისაგან.

**იანანამ რა ჰქმნა?** მოთხრობა მოზრდილი ყმაწვილებისათვის, ფასი ორი შაური.

**საბის მიგეგი?** საყმაწვილო მოთხრობა, ფასი ერთი შაური.

**ასპინის ომი** საყმაწვილო მოთხრობა მეფე მრეკლეს სურათით და ქარტით, ფასი ორი შაური.

**პირითადი უკუღმართობა,** პუბლიცისტური წერილი დედა-ენის მნიშვნელობის შესახებ კერძო აღმამინის და მთელის ერის ცხოვრებასა და წარმატებაში, ფასი ერთი აბაზი...

**РУССКОЕ СЛОВО,** часть первая, издание четвертое цѣна тридцать копеекъ, въ переплетѣ 40 копеекъ.

**РУССКОЕ СЛОВО,** часть вторая, издание третье, цѣна 40 копеекъ. Въ переплетѣ 50 коп.

**РУКОВОДСТВО** для учащихся къ преподаванію русскаго языка по „Русскому Слову“, цѣна 50 коп.

Объ части «Русскаго Слова» одобрены въ качествѣ учебнаго руководства по русскому языку для грузинскихъ школь, а «Руководство для учащихся» одобрено для библиотекъ низшихъ и среднихъ учебныхъ заведеніи всего Кавказскаго учебнаго округа, и то и другое одобрено учебнымъ Начальствомъ, съ утверждениа Господина Главноначальствующаго. (Смотри «Сборникъ» распоряженій по управленію Кавказскимъ Учебнымъ округомъ стран. 1965 и 1967).

Равнымъ образомъ одобрено и рекомендовано Русское Слово» духовнымъ учебнымъ Начальствомъ.

(15—4)

**შინაარსი:** სამწუხარო ფიქრები საქართველოს სასულიერო მართებლობის ერთი განკარგულებისა გამო.—მწარე ფიქრები.—ნეკროლოგი.—ლექსი.—წერილი რედაქციის მიმართ.—ჭიათურის რეინის გზის კურთხევა.—ახალი ამბები და შენიშვნები.—განცხადება.